

ters zzeit, vnd so bey nacht, do die thore beschlossen, man der kinder tauf vnd anderer hochwirdigen sacrament benöiget —, forthin zcu ewiger zzeit in sanct Jacobs pfarre doselbst vorm Ranstedter thore gelegen pfarren vnd eyngepfardt seyn vnd bleiben sollen —. Leiptzk montags nach Reminiscere —.

Orig. mit den Siegeln des Probsts und des Capitels im Rathsarchiv zu Leipzig.

Die Bestätigungsbriefe des Bischofs Sigismund von Merseburg von demselben Tage (Merseburg montags nach Reminiscere) und des Herzogs Georg vom 7. Mai (Dresden dinstags nach Misericordias domini) gleichfalls im Rathsarchiv.

Gretschel kirchliche Zustände Leipzigs S. 319

No. 461. 1538. 1. Aug.

Der Rath verspricht, die aus dem mit dem Kloster abgeschlossenen Kaufe (No. 460) noch schuldigen 1000 Gulden Kaufgelder mit 50 Gulden jährlich zu verzinsen.

Wir burgermeyster vnd rath der stadt Leiptzk — thuen kundt. Nachdeme — her Ambrosius Rauhe der recht doctor probst vnd das ganz capitel zw s. Thomas alhier regler ordens — vns ire gerechtickeytt am fischzolle alhier vffm marcckte, an fischern vnd etzlicher heuser vnd ecker lehn vnd erbtzinse erblich vorkaufft inhalts des kauffbriffs, dorinnen vormeldet, das wir inen die betzalunge gethan haben, demnach bekennen wir, das wir von dem kauffgelde ein tausent gulden muntze innehalten haben, die sollen vnd wollen wir inen ides iares mit funffzig gulden grober muntze — vortzinsen —. Zcu vrkundt etc. Dornstags nach Jacobi apostoli anno 2c. 1538.

Nach dem Orig. auf Papier mit dem aufgedruckten Secret im Rathsarchiv zu Leipzig.

No. 462. 1538. 13. Nov.

Recess zwischen den herzoglichen Beauftragten und dem Probst Ambrosius Rauch wegen der Verwaltung des Klosters.

Auff sonnderlichenn endtpfanngenen beuelh des durchleuchtigenn hochgebornen furstenn vnnd herrnn herrnn Georgenn herczogenn zu Sachssenn, lanndtgrauenn inn Doringenn vnnd marggraffenn zu Meyssen vnnsers genedigenn herrnn habenn wir Hilarius abt vnnd archidiacon zu Kempnicz, Georg vonn Braitennbach amptmann vnnd ordinarius zu Leiptzick vnnd Melchior vonn Ossa baide der recht doctores vnns mitt dem erwirdigenn herrnn Ambrosio Rauch, der geistlichen rechtenn doctor vnnd probstenn des closters zu s. Thomas zu Leiptzick vorgender maßen vorglichenn, das ehr die vorwaltung der haußhaltung benannts closters vnnd desselbigenn zugehorigenn forbergenn vnnd gutter habenn vnnd behalttenn, denselbigenn auch trewlich vorsein vnnd nichts dauonn vorkauffenn, vorpfennden aber inn anddere wege alieniren soll. Vnnd darmitt auch solch closter dester furderlicher inn auffnemung bracht werde, so soll der herr probst auff montag nach Quasimodogeniti nechstkunfftig hundert guldenn vnnd wann mann schreybenn wirdt der weniger zall im vierzigstenn ihare zwéyhundert vnnd im einvnndvierzigistenn vnnd darnach alle ihar furder allwege auff ernanntten montag nach Quasimodogeniti dreyhundert